



Sculo Theod. Thorlacius.

Eusebie triumphans.

1774.







811  
Skú

Skúli Þ. Thorlacius

EUSEBIE  
TRIUMPHANS,

SEU

RELIGIONIS VERÆ ET VICTRICIS  
LAUDATIO.

*Lundensis. 4. 1794.*

---

HAFNIÆ,

TYPIS NICOLAI MÖLLERI, REG. MAJ. TYPOGRAPHI AULICI.

MDCCLXXIV.

BACCHYLIDES APUD STOBÆUM.

Λυδία μὲν γὰρ λίθος μαννύει χρυσοῦν,  
ἀνδρῶν δ' ἀρετὴν σοφία τε πᾶν κρείσσει·  
ἐλεγχέει ἀλαθεύει·

INFULAM THEOLOGICAM

ET

PRÆLUSTRE DOCTORATUS AXIOMA

VIRIS

DOCTRINA MUNERUMQUE DIGNITATE

SUMME VENERABILIBUS ET AMPLISSIMIS,

DNO. *FINNO JOHANNÆO*,

EPISCOPO DIOCESEOS SKALHOLTINÆ IN ISLANDIA,

DNO. MAG. *NICOLAO EDINGER BALLE*,

THEOLOGIE PROFESSORI P. O., CONSISTORII ASSESSORI ET SACRORUM IN AULA REGIA MINISTRO,

DNO. MAG. *LAURENTIO ANCHER*,

THEOLOGIE PROFESSORI P. O. ET CONSISTORII ASSESSORI,

DNO. *HECTORI FRIDERICO JANSON*,

THEOLOGIE PROFESSORI P. O., CONSISTORII ASSESSORI ET SACRORUM IN AULA REGIA MINISTRO,

DNO. *JOHANNI CHRISTIANO SCHÖNHEYDER*,

SACRORUM AD EDEM S. S. TRINITATIS MINISTRO PRIMARIO,

DNO. MAG. *CHRISTIANO BASTHOLM*,

SACRORUM IN ECCLESIA FRIDERICI - HAFNIENSI MINISTRO,

INTER  
NUPTIALES AULÆ REGIÆ  
LÆTITIAS,

A VIRO

SUMME VENERABILI ET AMPLISSIMO

DNO. MAG. *HILARIO HAGERUP*,

TITULOGLÆ DOCTORE ET IN UNIVERSITATE HAFNIENSI PROFESSORE, ATQUE EPISCOPO DIOECESIOS  
BERGENSIS IN NORVEGIA,

HAFNÆ DIE NOVEMBRIS ANNI MDCCLXXIV

SOLEMNITER COLLATUM,

*FELIX ET FAUSTUM*

ESSE JUBET

*SCULO THEODORI THORLACIUS,*

SCH. R. COLD. RECTOR.






Ilapſa Chalis fama cubantibus,  
Praepes volatu nuntiat alite,  
Quinquentiorum docta Muſas  
Hafniades celebrare feſta.

Quæſ nulla pinus quaeritur iſthmica,  
Non grata campis laurus olympicis,  
Merenda Libanis, cedrique  
Filia, nobilior corona.

Sic Diva, doctis culta laboribus,  
Ornat clientes *Eufebie* ſuos,  
Tonantis interpres, magiſtra  
Relligionis, alumna coeli.

*Hujus* labellis non ſtrepit Attica,  
Non Tulliani garrula Tuſculi  
Pitho, ſed Aſaphaca Clio,  
Davidicae chelyos miniſtra.



Coelo colonos reddere idoneos  
 Solers, beatae callida mentibus  
     Æternitatis candidatis  
     Empyrias referare valvas.

Ligare aquosas, objice ferreo,  
 Perdocta nubes, docta recludere,  
     Manes sepulcris evocare, &  
     Carniuoras inhibere flammæ.

*Hujus* labellis Amramidum prius  
 Astraea doctrix enthea personat,  
     Auritus adstat eloquenti  
     Pennigerum chorus angelorum.

At impiorum dira nôematum  
 Chimaera retro, bellua centiceps  
     Mendaciorum, virulenta  
     Tartarei soboles baratri.

Retro dolosi Nestoris Eumenis,  
 Nutrix Enyo furua Sabellii,  
     Manetis, Arii Celaeno, et  
     Strix Getici fugit atra Verpi.

Profana retro, noxia sæculi  
 Solpuga nostri, luxuries fugit,  
     Impuritatum proma conda,  
     Cerberæi mala spuma Ditis.

*Hæc*



*Haec* Carmelino coelipetae Dea  
Vati quadrigam subdidit igneam.

*Hac* Paulus adjutrice passus  
Dura mari mala, dura terris.


Coelestis alium cum Sophiae jubar  
Orbis remotos sparfit ad angulos,  
Et expediuit impeditos  
Stultitiæ scelerumque coeno.

Quondam cohortis signifer improbæ,  
Sed militantis mox labarophorus  
Ecclesiae, labes avitas  
Morte Deum docuit piassè.

Mors illa tristi perfrugium reo,  
Tabella moestis unica naufragis,  
Morsus amuletum colubri,  
Lethiferae panacea tabis.

Quam nec Cleanthis noscere porticus,  
Nec hortus audax Gargetii senis,  
Nec coenobita transmigrator  
Panthoides potuit renatus.

*Haec* innocentum pectora martyrum  
Firmauit, omnes spernere fortium  
Uncos, picem, rotas, scaphismi  
Tormina, carnificesque muscas.



Tradunt juvenco membra Neroneo  
Torrenda, pernox taeda viantibus  
Ardent, flagellis lancinata  
Carne feros fatiant leones.

Et inter ipsos mortis anhelitus,  
Inter dolores, Seraphicum canunt  
Paena, divinasque laudes  
Ingeminant moriente labro.

*Haec* permadentem nectare coelico  
Infedit acrem Diva Chrysothomum,  
Iram minasque Bosporanae  
Principis indocilem vereri.

*Hujus* potenti numine percitus  
Lutherus, ingens gloria Teutonum,  
Arctoa lux, veri repertor,  
Sidus inoccidui nitoris.

Exempla cladis nescius Hussicae  
Timere, lucem reddidit abditam,  
Ecclesiaeque carcinoma  
Subfecuit medicante scalpello.

Tenebrionis rupit araneae  
Cassēs, Quiritum sponte lacessitas,  
Ringente toruum Vaticano  
Flamine, Stympthalides subegit.  
Ungues



Ungues momordit Lojola; cardaces,  
Inerme, feruum, stant monachi, pecus;  
Chelas retraxit esuritor  
Carcinus Aufonii Senatus.


Mango salutis, fulminis arbiter,  
Regum tyrannus, cultor imaginum,  
Inefficacis mysta missae; et  
Æacus indigetum cremator.

Audax aniles vendere credulis  
Miraculorum quisquillas, vagos  
Jugalibus praeferre taedis  
Idaliae solitus furores.

Belgas hirudo messuit anxios  
Albanus ensis; saeviit ebria  
Cruore Tillias Megæra  
Caesareis famulata votis.

Infecit undas sanguine civico,  
Rhenus tricornis, Albis & Isara,  
Vertiginosus intererrat  
Difficiles Tameſis maeandros.

Invita frenos Italia gens suos,  
Ferox capistrum mandit Iberia,  
Taboque Gallus nuptialem  
Temperat indigena Lyæum.



Singultit alte Rhætus ; At interim  
Tollens coruscum *Relligio* caput,  
Ceu opputata falce vitis  
Euiruit meliore ramo.

Frangi tumultu nescia bellico ,  
Benigna lactis lumina gentibus  
Diffudit ad pacatores  
Axis hyperborei triones.


Qua Sigulones, qua Thetis Auxones  
Urgens, Thyranos adstrepit aggeres ;  
Qua Balthis insulas lacertis  
Æquoreis tenet incubantes,

Qua non quietis Bothnica fluctibus  
Curuat Sueonum littora ; Qua fero  
Norvegus assultu minaces  
Oceanus scopulos fatigat.

Qua Scythiofinnum rheda vehit ; Migrant  
Quo fessa pigri spicula Cynthii, et  
Liquare Dumbias perennem  
Cymodoce glaciem laborat.

Ineptientum ficta redarguens  
Opinionum spectra, per ultimam  
Innubis arcton veritatis  
Et fidei cynosura splendet.

Semperque



Semperque ab illo tempore purior  
Regnat verendi cognitio Dei,  
Caurique frigorumque cunas  
Prisca superstitio reliquit.

Offensa toruis utpote iurgiis,  
Vicina septem regna trionibus  
Petens, Sitonis atque Dani  
Pectora *Relligio* ferenat.

Hic impotentis scommata Dippeli,  
Tricas Socini, Voltarii sales,  
Stultosque Chubbii cavillos,  
Et trepidi cerebrosa Foxi

Commenta ridet; Ridet inertium  
Fungos virorum, crimina qui tegi,  
Mentisque sopiri tumultus  
Namine, posse putant, negato.

Quantum teredo, dente breui, nocet  
Jejuna ferro; musca leonibus;  
Quantumque spumans aeviternae  
Nereidum nocet ira cauti;

Tantum petulco proficit impetu,  
Primo Tonantis fulmine cernuus,  
Verique virtutisque prædo,  
Flagitiis adipatus error.



Si quando caecus moenia succutit  
 Error Sionis; desuper ingruens  
     Vindicta non castos flagellat,  
     Et proprio jugulatur ense

Scelus probrosum; sternitur impotens  
 Fastus; nouator repit humi dolus;  
     Expalliat cespitanti  
     Vafricies pede terga vertit.

Augusta ductos cura cuniculos  
 Thronos & aras suffodientium  
     Euertit, & nigris comatas  
     Anguibus Eumenides rotondit.


Quid JULIANÆ, Dania, debeas,  
 Quid FRIDERICO, Fas, Pietas, Fides  
     Testes reductae, quae per urbes,  
     Per virides spatiantur agros.

Vos FRIDERICO nectite myrteam  
 Ciues coronam! Posterior dabit  
     Ætas merenti querceam, vel  
     Populei diadema ferti.

Vos FRIDERICÆ, quisquis amicior  
 Musis, poëta lilia nectite!  
     Festumque Principalis aulae  
     Pieriis hilarate plectris!

Secunda





Secunda sponfos oscina Principes  
Jungant! Auorum prisca potentium  
Firmentur auspicata sancto  
Foedera connubio Nepotum!


ATLANTIS arctos perpetuat sui  
Laudes; laborum participem canet,  
FRATREMQUE grata buccinabit  
*Religio* memoresque fasti.

Haec haec loquantur tempora. Credite,  
Defendit arces ipse Sionias,  
Sponsamque JOVA de supremo  
Prospiciens folio tuetur.

Hinc ara semper thure suo calet,  
Coeleste numen, Dana tibi. Pater,  
Ferule vulgus somniorum,  
Haecresumque agis hinc hyaenas.

Nostratis haec est laus Academiae,  
Decusque perstans: Incola Veritas,  
Germana Recti, Portuanas  
Sola sacras animat cathedras.

Suoque nullus duxit ab ubere  
Sententiarum toxica; non suis  
Unquam viretis, educata  
Gramina rore malo, leguntur.



Illinc sonori mascula *Wormii*  
Suadela quondam detonuit ; Sagax  
    *Brochmannus* inde captiosos  
    Fallere dedocuit *Quirites*.

Zelator illinc *Holmius*, hinc celer  
Nodosa rerum soluere *Goschius*,  
    Cantusque cygnei *Cramerus*  
    Pandere iussa Dei solebant.


Nunc hic Virorum palma cluentium  
Togata frondet, quæis *Hagerupius*  
    Formosa doctus eruditi  
    Praemia distribuit laboris.

Fortuna nobis hunc rapit invida,  
Testor querentis murmura *Cimbriae* ;  
    Ripae virum desiderantis  
    Sera coit viduæ cicatrix.

Felix Brabeuta, ficcine et hinc Tibi  
Foecunda laudum crescet adorea!  
    Felix Brabeuta, luculentum  
    Ille tibi jubar addet actus!

Horum superbos in titulos, Viri, et  
In clara clari munia surgitis,  
    Honore macti, imaginosis  
    Nobilium potiore ceris

Eftore!



Estote! Votis omnia perstrepunt  
Gratantis undae. Nostrum, age, plausibus  
    Utcunque nostra admurmurato,  
    Quo potes ore, Thalia: Fausste!

Fausste venustus tempora pileus  
Cingat! Paternae Vos Academiae,  
    Vos litteris, Ecclesiae Vos  
    Este, Viri, decus atque fulcrum.

Vos per loquacis compita gloriae,  
Vectos volucris nominis effedo,  
    Mansura praeco fama laudum,  
    Perque hominum ferat ora! Scripsi.





